



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An hoc mandatum Pontificium morte Pontificis exspiraverit, ideóque
collatio Beneficii nulla sit?

urn:nbn:de:hbz:466:1-41144

CASUS XLVII.

De Beneficii collatione, & recitatione Breviarii.

Pontifex mandatum dat Bonifacio Episcopo, ut Gabriel Sacerdos provideatur de Beneficio ad S. Petrum vacante. Bonifacius confert illicò Beneficium Gabrieli, post cujus collationem litteræ Româ allatæ nuntiant, Pontificem pridie collationis Beneficii piè in Domino obiisse. Quo audito Mutius litem movet Gabrieli contendens collationem ob mortem Pontificis nullam fuisse, & præterea Beneficium illud uni ex sua familia conferri solitum fuisse, ac deberi: Gabriel autem, dum lis dirimitur, pergît Horas canonicas recitare, licèt nullos interim ex Beneficio fructus percipiat?

QUÆR. I. An hoc mandatum Pontificium morte Pontificis expiraverit, adeoque collatio Beneficii nulla fuerit?

QUÆR. II. An Beneficiatus, qui Beneficium quidem actu possidet, sed ob litem intentatam nullos interim fructus ex illo percipit, teneatur interim Breviarium recitare; adeoque si recitare intermittat, teneatur ad restitutionem fructuum sequestratorum postea percipiendorum lite terminata?

QUÆR. III. An Beneficiatus tenue habens Beneficium Breviarium vi illius recitare teneatur, & si obligatus sit, & non recitet, possit sibi tanquam pauperi applicare eos fructus, quos aliàs restituere, & pauperibus applicare teneretur?

264

AD I. Q. Non nulli cum Eman. Rodrig. qq. reg. tom. 1. q. 9. a. 1. censent mandatum illud Pontificium expirâsse morte concedentis Pontificis, atque adeò collationem Beneficii, Gabrieli factam, nullam fuisse. Rationem dant; quia mandatum morte mandantis expirat re integra, leg. mandatum, C. mandati.

dati, & C. cui nulla, ubi dicitur; si super provisione certæ personæ faciendæ detur potestas alicui, & res fuerit integra, cum concedens moritur, perire gratiam: atqui in posito casu conceditur talis facultas, & res erat adhuc integra; cum mors concedentis Pontificis Romæ acciderit pridie collationis Beneficii Gabrieli hæc factæ: ergo.

Nihilominus contrarium tenent, ac docent Gigas *de pensionib. q. 91. n. 4.* Nicol. Garc. *de benefic. 6. part. cap. 2.* Sanch. *l. 8. D. 28, n. 87.* Gutier *l. 2. can. qq. c. 17. n. 5.* Palao *tr. 3. D. 4. p. 16. §. 4.* Henriq. *l. 14. cap. 17. n. 7.* alique plures, affirmantes, idque probabilius, dictum mandatum morte Pontificis non expirasse, ideoque collationem Beneficii Gabrieli factam, validam fuisse. Ratio est; quia gratia facta non expirat morte concedentis: atqui mandatum in favorem Gabrielis datum censi debet gratia jam facta: ergo non expiravit morte Pontificis, maj. est communis, & certa DD. regula. min. prob. quia eo ipso, quod Gabriel de provisione certi Beneficii obtinuerit mandatum, jus acquisivit ad rem ad tale Beneficium, quod jus maxima gratia reputari debet, ac proinde non cessat morte concedentis re integra. Unde

Ad rationem in contrarium adductam R. tunc expirare manda-

tum morte concedentis juxta *citt. l. mandatum*, quando mandatum non est gratiæ factæ annexum; secus verò, si gratiæ factæ annexum sit, & datum pro illius executione.

Ad textum *cap. si cui nulla*, R. illum loqui de casu, quo non pro certo Beneficio, sed incerto, & posito in electione mandatarii conceditur mandatum; quia tunc non videtur gratia facta certa, & determinata, sed faciendæ, ut ex Rota Gig. Mandos. & aliis docent Garc. n. 30. & Palao *l. c.* imò ut cum aliis notat Sanch. *l. c.* textus *citt.* loquitur de casu, quando non datur propriè mandatum, sed solum licentia, & facultas; quia tunc non est executor necessarius, sed voluntarius, ac proinde cessat morte concedentis re integra.

Ad 2. Q. An Beneficiatus, qui 265
Beneficium actu quidem possidet, sed ob litem intentatam, aliamve ob causam nullos inde fructus interim percipit, teneatur pensum Canonicum persolvere? Noto Beneficiatum præter obligationem recitandi Breviarium vi Beneficii; aliam insuper contrahere obligationem, ut si, illud culpabiliter non recitet, teneatur ad restitutionem pro rata fructuum illi correspondentium, secus, si recitare non teneatur justa causa interveniente: Unde refert scire, an talis Beneficiatus, licet aliunde sit obli-